

丹陽縣續志卷之十五

孝友

董煥字烈齋監生以商起家巨萬弟銘殉髮逆煥撫銘子如已子疾革命三析其產子一之諸姪二焉子炳章如命終身無幾微德色親在日愉愉順從侍疾盡悴居喪哀毀骨立姪錦林亦以孝悌聞

張希仲字靜軒咸豐間奉父避寇距延陵可十里父癩癢喜浴不良於行日肩負往延陵浴焉子瑞圖字羲廷恩貢生學行端粹博極羣書詩文俊逸奇古門下多知名士著西亭讀書錄西亭詩文集平生篤於倫

丹陽縣續志

卷之十五

孝友

一

紀飲人以和與弟瑞書相友愛時稱孝友世家

殷春生字潤之避粵寇挈家遷泰興父歿母歸家中落兄玉彬遠賈春生依叔東橋旣而曰孤子不事母非人也歸而傭力爲養母奉佛時遺果餽作齋供省視尤勤母旋病風痺眇一日興居需人進食奏廁扶持一由春生一夕奉罌赴墟市沽溫水爲母濯足突聞鉦聲詢知鄰舍火家距墟市半里踉蹌返舍已延燒號曰母不出何生爲搶呼擗踊血溢口鼻而死

林渭字惠源庚申城陷負母趙出奔賊刃及顱血被體猶力護其母賊憐而去之避虜江北母卒哀毀廬墓

後返葬渡江颶風作桅折舟且覆涓伏櫬號天風頓止竟以安渡兄早亡撫其孤成立

徐庚霖父母早亡孝事嗣母刲股以瘡其疾歲饑鬻產供養隱與妻子咽糠覈妻陳氏助夫得姑歡以雙孝旌

蔣佩洪生有至性刲股療母庚申城陷負母逃賊槩中母額血被面佩洪裂裳裹創翼蔽泣請賊憫其孝釋之

杭世貞父萬銓目盲世貞先意承志日用身便之物歷數十稔供應無缺父亦自忘其瞽一日疾劇刲股入

丹陽縣續志

卷之十五

孝友

二

藥遂瘥

毛翼虎字仲辰號樂山郡庠生父如金年五十一病篤翼虎禱天願減算一紀益之又刲臂和藥果瘡後年至六十三而歿越半月翼虎以毀卒

殷成進母疾革刲股調羹進母尋瘳

徐金昌庵前村人幼孤農孝母母病刲股療之

盛寬表珥陵人同治丁卯知縣迕常五訐珥陵簿趙咸熙贓私趙解職調省以蜚語中迕詞連寬表兄寬翁省命句攝寬表曰兄老矣請以弟代待鞠五年斃於省獄

張昌庚南馬厰人幼孤母撻風積年廢臥牀葶昌庚日侍左右出入必告待母飽然後食夜則爲母述其見聞宣統間縣給匾旌

王鶴書字臥山諸生西苧村人居母喪三年不茹葷夜侍父寢不入內父命去輒泣不止父乃聽之父歿廬墓三年不御酒肉笑不見齒自撰墓廬聯云願諸君早盡子職莫如我空想親恩

王詒穀字黻廷埤城人性慧好讀家貧乏書爰向人貸鈔見記載孝友事輒慕向無己恨孤不逮事計惟有孝母母病危縈於竈觚剖左臂入藥疾痊事聞於學

丹陽縣續志

卷之十五 孝友

三

使旌其墓

徐高桂少孤母劉性嚴急高桂婉曲順承務得母歡及壯母猶加鞭箠受之欣然也其友愛亦過人光緒間旌如例

陳春芳號筱園新廟村人先賢陳太學東之裔也事兼桃世父兆儉色養備至其歿也痛不欲生以嗣母在稍節哀母卒廬墓三年族人赴墓助祭畢事焚其廬春芳不得已泣拜而歸

東德本母疾剖股療之妻王氏事姑亦善

東士斌字子兼事父能養其志父病剖股和羹乞躬代

愛撫二異母弟及長而產均析不毫髮私贖良家女之鬻身者所貸金輒焚券又嘗施纈衣捐貲贅路周學志父維勳病刲股投藥父遂瘳

東允齊字巨卿年十六肄業溧陽平陵書院月獲膏火悉寄家養親年稍長家亦稍裕盡贖祖遺業產咸豐庚申奉親避居興化設錢肆供養豐腴食竟資錢隨父出盡歡而返母操作輒依依膝前既返里二親繼歿日夕哭由是目盲

東士瑤字高吉年十六母田氏疾剜臂和藥禱於天少間復劇剌禱如前竟卒懼傷父心忍哀事父如故方

丹陽縣續志

卷之十五

孝友

四

咸豐離亂躬施餽粥贈金完人夫婦遐邇稱仁孝焉東立可號東園郡庠生性孝友劬讀博覽無一日怠於定省視饒弟出繼叔氏分子田宅奴婢必均弟不能守復割已產畀之金壇于朋舉爲之傳

林廷綱字立三監生性孝悌咸豐初親及兄嫂踵歿廷綱慟絕撫兄子女如所生命其妻乳姪松年別雇媪乳已子後因亂移家太平洲讓宅居女昆季之已嫁者不時餽以銀米及歸里修復亟爲姪輩婚嫁松年亦受室廷綱乃出祖遺田籍讌集族人與兄子析產一無所私

林汝翼字澤民性純孝善事嗣母咸豐丙辰髮匪丁天
燕攻城四出劫掠汝翼父春園被獲以刀加腹索銀
汝翼號跳前救左髀賊矛洞穿弗顧急奪搯刀柄與
賊相持俄又一賊至鞞然曰老年翁且放生譁而散
父子俱免

蔡雲翠字志隆號紀堂孝而能文志隆方齟齬隨母王
殯送父悲啼如成人母歿朝夕赴墓拜無間風雨
王應莖字子亭幼孤母兄鞠之成人刲股瘡母疾敬兄
終身

胡豫章一名臣樑字子顯監生性友愛父德輝爲子析
丹陽縣續志

卷之十五

孝友

五

產豫章悉讓兄玉森玉森歿遺子女六教養婚嫁一
由豫章築屋東郭龍船灣自居西廡以東廡處嫂及
姪逮今四世子姓輯睦無間

林濂字廉水歲貢生成豐庚申伯兄銳遇害濂同父被
略旋逸出渡江避居同治丙寅扶父櫬歸葬家產蕩
盡母李多病賃宅湫隘濂終夜假寤檐下手一筴司
藥鑪嫂姪病亦然性介而容厲見者肅立即之溫藹
近人媿媿誨語不厭文章法書高潔如其人循循善
誘安貧樂道修脯盡以奉母敬養孀嫂終身晚精歧
黃術延請卽步往不較謝酬有餘則隱名以賙貧者

名德爲一時所宗學使林天齡特題額旌其廬

賀允康字子年監生幼孤貧性孝友爲市肆收債於鄉例給旅費錢二百允康以錢奉母徒步枵腹往還還則腰纏多金喘汗相屬母有疾則若身負重憂旦夕侍藥至忘食寢母歿後哀感終身言及輒涕祭必進所甘嗜中歲家稍起周急樂善尤惠閔嫠孤曰余母子知此中苦也祖遺宅基數間推以與弟允釗時貲助之族人告貸肆擾必溫語贈遺有乞爲寄財以獲利率者受寄之商困輒代償之年六十五無疾而終魏龍常字公績附貢生讀書尙氣節居家孝讓庚申城

丹陽縣續志

卷之十五

孝友

六

陷前一夕侍親避於鄉翼晨將入城道遇賊將掠以往罵不屈賊怒揮以刃血盜賊棄去急裹創渡江訪獲父母知兄龍藻被掠泣不食欲往偵尋時年甫十六尼之乃哭禱神祠無何而兄至後歸里竭勞奉養躬親厠踰親病籲以身代居喪幾滅性寒夜不離苦次與兄弟共衣履而以新易其敝者撫兄子逾所生陳逢春字列章性孝愨少孤貧典質供母庚申之亂母年逾九十毫且病逢春守侍不去母歿而城陷逢春負屍逸出藁葬南郊亂平亟歸營邱壠以禮改葬父執戴客死丹陽禮葬之世祭其墓

林鳳藻字采臣郡庠生父崧泰病篤鳳藻刲臂肉進立
痊鳳藻體故羸坐是增劇卒年二十六

蔣玉麟文童年十九父疾禱天願減算刲臂調藥父漸
瘳而玉麟憂悴甚邁疾卒里人爲請旌

丹陽縣續志卷之十五終

丹陽縣續志

卷之十五

孝友

七